

## Universitätsbibliothek Paderborn

**R. D. Magistri Petri Lombardi Novariensis Episcopi  
Parisiensis. Sententiārvm Libri IV. quibus vniuersæ  
Theologiæ summa continetur**

**Petrus <Lombardus>**

**Mogvntiæ, 1632**

Distinct. XLV.

**urn:nbn:de:hbz:466:1-38829**

olim sciuit se resurrectum, & modo scit se resurrexisse. Nec est alia scientia illud olim sciuisse, & hoc modo scire, sed eadem omnino. Et sicut voluit olim resurgere, & modo resurrexisse: in quoniam rei voluntas exprimitur: Ita potuit olim nasci & resurgere, & modo ipse potest natus fuisse & resurrexisse: & est eiusdem rei potentia. Si enim possit modo nasci & resurgere, non esset idem posse. Verba enim diuersorum temporum diuersis prolatam temporibus, & diuersis adiuncta aduerbiis, eundem faciunt sensum: ut modo loquentes dicimus, iste potest legere hodie, cras autem dicemus, iste potest legisse, vel potuit legere heri: ubi que ratius rei monstratur potentia. Si autem diuersis temporibus loquentes, eiusdem temporis verbis & aduerbiis utramur, dicentes hodie, iste potest legere hodie, & dicentes cras, iste potest hodie legere: non idem sed diversa dicimus eum posse. Facit nam ergo Deum semper posse quicquid semper potuit, id est, habere omnem illam potentiam quam semel habuit, & illius omnis rei potentiam cuius semel habuit: sed non semper posse facere omne illud quod aliquando potuit facere, potest quidem facere aut fecisse quod aliquando potuit. Similiter quicquid voluit & vult, id omnem quam habuit voluntatem, & modo habet: & cuiuscumque rei voluntatem habuit, & modo habet, non tamen vult esse vel fieri, omne quod aliquando voluit esse vel fieri, sed vult fuisse vel factum esse: Ita & de scientia Dei dicendum est.

### DE VOLVNTATE DEI, QVÆ ESSEN- TIA DEI EST UNA & AETERNA, & designis eius.

DISTINCT. XLV.

**I**am de voluntate Dei aliquid pro sensu nostri imbecillitate dicendum est. Sciendum est ergo, quia voluntas siue volens de Deo secundum essentiam dicitur. Non est enim ei aliud velle & aliud esse,

De quidditate  
te voluntatis  
Dei.



esse, sed omnino idem. Et sicut idē est ei esse bonū quod esse Deū, ita idē est ei esse volentē, quod esse Deum. Nam voluntas qua semper volens est, non affectus vel morus est, qui in Deum cadere non vult, sed diuina vultus qua volēs est Deo, & huiusmodi. Quod idem licet sit Deo velle quod esse, non tamen potest dici Deus esse omnia quæ vult. B

Et licet idem sit Deo velle quod esse, non tamen dicendum est Deum esse omnia quæ vult: quod querundam quidam de Dei voluntate non recte sentientes, nobis obiciunt dicentes: Si idem est Deo velle quod esse, ergo cum dicimus Deum velle omnia quæ facit, dicimus eum esse omnia quæ facit: alioquin non ibi illo verbo idem significatur, quod significatur hoc verbo esse, cum de Deo dicitur. Et si ita est, non semper dicitur de Deo velle secundum essentiam. Si vero secundum essentiam non dicitur aliquando, quomodo ergo dicitur de Deo? relati- Responsio.  
ue enim nunquam dicitur. Ad quod dicim⁹, quia licet idem penitus sit Deo velle quod esse, non tamen potest dici omnia quæ vult: sicut idem est Deo esse quod scire, nec tamen sicut dicitur scire omnia, ita quoque potest dici esse omnia.

Quis sit sensus horum verborum. Deus scit, vel Deus vult:  
Item, Deus scit omnia, vel vult aliquid: & quid de

Deo in his prædicetur. C

Et ubiunque Deus dicitur scire vel sciens, vel velle, vel volens, hæc de eo secundum essentiam dicuntur. Cum enim dicitur, Deus scit, vel Deus vult, siue Deus est sciens vel volens, essentia diuina prædicatur, & Deus esse enunciatur. Cum autem additur, omnia, vel aliquid vel aliqua, & dicitur Deus scit omnia, vel vult aliquid vel aliqua: essentia quidem diuina prædicatur non simpliciter & absolute, sed ita ut scientia quæ ipse est, oīa subiecta monstretur, & voluntatis quæ ipsa eadē est, aliqd vel aliqua subiecta esse dicatur: ut talis fiat

R. 2

sen-

sensus, Deus scit omnia, id est, Deus est cuius sciencie quæ ipsius esseentia est, omnia subiecta sunt. Si militer Deus vult hæc illa, id est, Deus est cuius voluntati quæ ipse est, hæc siue illa subiecta sunt. Volens ergo siue velle dicitur Deus secundum sentiam, cuius voluntas esseentia est sempiterna & immutabilis (licet ea varietur & transcant, quæ ei subiecta sunt) quæ non potest esse iniusta vel mala, quia Deus est.

Quod Dei voluntas summe bona, causa est omnium quæ naturaliter sunt: cuius causa non est querenda, quia nullam habet cum sit æterna.

Hec itaque summe bona voluntas, causa est omnium quæ naturaliter sunt, vel facta siue futura sunt: quæ nulla praeventa est causa, quia æterna est. Ideo quæ causa ipsius querenda non est. Qui enim eius causam querit, aliquid maius ea querit, cum nihil ea maius sit. Vnde Aug. in lib. 83. quæst. Qui querit quare voluerit Deus mundum facere, causam querit voluntatis Dei. Omnis autem causa efficiens maior est eo quod efficitur. Nihil autem maius est voluntate Dei. Non ergo eius causa querenda est. Idem in lib. contra Manich. Si qui dixerint, quid placuit Deo facere cælum & terram? Respondendum est eis, qui voluntatem Dei nosse desiderant, causas & voluntatem Dei scire querunt, quod voluntas Dei omnium quæ sunt ipsa sit causa. Si enim habet causam voluntas, est aliquid quod antecedat voluntatem Dei: quod nefas est credere. Qui ergo dicit, quare fecit Deus cælum & terram? Respondendum est illi, quia vult. Voluntas enim Dei causa est cæli & terræ: & ideo maior est voluntas Dei, quam cælum & terræ. Qui autem dicit, quare voluit facere cælum & terræ? maius aliquid querit, quæ est voluntas Dei, nihil autem maius inueniri potest. Compescat se ergo humana temeritas, & id quod non est, non querat. ne id quod

Hic dicit  
quare eius  
causa que-  
renda non  
est.

Quæst. 28.  
in princip.  
In tom. 4.

Aug. ad fi-  
nem cap. 2.  
lib. 1 de Ge-  
neſe, contra  
Manichæus.  
Tom. 1.

quod est, non inueniat. Ecce his authoritatibus  
apertè insinuatur, quod voluntatis Dei causa nul-  
la est, & ideo quærenda non est.

*Quod voluntas Dei prima, & summa causa  
est omnium.*

E

Voluntas ergo Dei, ut ait August. in 3. lib de Tri- Cap. 4. ix.  
nit. prima & summa causa est omnium specierum medio.  
atque motionum. Nihil enim fit, quod non de in-  
teriori atque intelligibili aula summi Imperato-  
ris egrediatur secundum ineffabilem iustitiam. Vbi Sapient. 8. 4.  
enim non operatur quod vult Dei omnipotentis  
sapientia: quæ pertingit à fine usque ad finem for-  
titer, & disponit omnia suauiter, & non solum fa-  
cet ea, quæ perseverantia consuetudinis admirata-  
tionem nō admittunt, sed etiam ea quæ propter  
raritatem, & insolitum euentum mira videntur:  
ut sunt defectus luminarium, & terræ motus, &  
monstrosi animantium partus, & his similia: quo-  
rum nihil fit sine voluntate Dei, sed plerisque non  
apparet. Ideoque placuit vanitati Philosopho-  
rum etiam causis aliis ea attribuere, cum omnino  
videre non possent superiorem ceteris omnibus  
causam, id est, voluntatem Dei. Itaque non nisi  
Dei voluntas causa prima est sanitatis, ægritudi-  
nis, præmiorum atque pœnarum, gratiarum & re-  
tributionum. Hæc ergo sola est, unde ortum est  
quicquid est, & ipsa non est orta sed æterna.

*Quibus modis accipitur Dei voluntas.*

F

*Quæ vore**& propriè**dicitur Dei*

Hic non prætereundum nobis, quod sacra scri-  
ptura de voluntate Dei variis modis loqui con-  
suevit: & tamen non est Dei voluntas diuersa, sed voluntas, &  
locutio diuersa est de voluntate, quia nominevo-  
luntatis diuersa accipit. Nam voluntas Dei vere beneplaci-  
ac propriè dicitur quæ in ipso est, & ipsius essen-  
tia est: & hæc vna est, nec multipliciter recipit,  
nec mutabilitatem, quæ inexpleta esse nō potest: de  
qua Propheta ait: Omnia quæcumque voluit Dñs,

R 3

fecit.

*Psalm. 113.**Rom. 9. e.**Rom. 12. 4.*

fecit. Et Apostol. Voluntati eius quis resistit? Eta  
libi: Ut probetis quę sit voluntas Dei bona & bene-  
placens & perfecta. Et hęc voluntas recte appella-  
tur beneplacitum Dei, siue dispositio.

*Quod secundum figuram dicitur voluntas Dei praeceptio,  
prohibitio, consilium, permisso, operatio: & ideo plu-  
raliter dicit scriptura voluntates.* G

*Psalm. 10.**Psalm. 88.**Psalm. 18.*

Aliquando vero secundum quandam figuram  
dicendi, voluntas Dei vocatur, quod secundum  
proprietatem non est voluntas eius: ut praeceptio,  
prohibitio, consilium, nec non permisso & opera-  
tio. Ideoque pluraliter aliquando scriptura vo-  
luntas Dei pronunciat: Vnde Prophet. Magna o-  
pera Domini, exquisita in omnes voluntates eius:  
cum non sit nisi una voluntas Dei, quę ipse est, plu-  
raliter tamen dici voluntates: quia volun-  
tas Dei variis modis ac pro diuersis accipitur,  
ut dictum est. Ita etiam idem Prophetus propter  
multos effectus misericordie & iustitiae pluraliter  
dicit: Misericordias Domini in eternum cantabo.  
Et alibi: Iustitia Domini rectæ, laetificantes corda;  
cum tamen in Deo una sit misericordia, una iusti-  
tia, & una eademque sit misericordia quę iustitia,  
scilicet diuina via.

*Quare praeceptio & prohibitio, & consilium dicantur Dei  
voluntas.* H

Ideo autem praeceptio & prohibitio atque con-  
silium cum sint tria, dicitur tamen unum quodq;  
eorum Dei voluntas, quia ista sunt signa divinæ  
voluntatis; quemadmodum & signa iræ dicuntur  
ira, & dilectionis signa dilectio appellantur; & di-  
citur iratus Deus, tamen non est ira in eo aliqua,  
sed signa tantum quę foris fiunt, quibus iratus  
ostenditur, ira ipsius nominantur. Et est figura di-  
cendi, secundum quā nō est falsum quę dicitur; sed  
verum quę dicitur, sub tropi nubilo obūbratur. Et  
secun-

secundum hos tropos diuersæ voluntates Dei di-  
euntur, quia diuersa sunt illa quæ per tropumvo-  
luntas Dei dicuntur.

*Vbi voluntas Dei pro præcepto, & consilio  
acciipiatur.*

I Matth. 6. b.

Pro præcepto Dei atque consilio potest accipi *Matt. 12. d.*  
voluntas ut ibi, Fiat voluntas tua sicut in ex-  
ilio & in terra. Et alibi. Qui facit voluntatem pa-  
tris mei qui in cælis est, ipse frater meus, & soror,  
& mater est. Et contra hanc voluntatem multa fi-  
unt. Vnde August. in lib. de spiritu & litera. Infide- *Cap. 33. in  
les, inquit, contra voluntatem Dei faciunt, cum e- tom. 3.*

*Ante me-*

*Quod Deus non vult ab hominibus fieri omnia quæ præcipit, diu-  
m.  
vel non fieri quæ prohibet.*

Et si illa tria dicantur Dei voluntas, ideo quia  
signa sunt divinæ voluntatis non est tamen intel-  
ligendum Deum omne illud fieri velle, quod cui-  
cunque præcepit, vel non fieri quod prohibuit.  
Præcepit enim Abrahæ immolare filium, nec ta-  
men voluit, nec ideo præcepit ut id fieret: sed ut *Gen. 22. a.*  
Abrahæ probaretur fides. Et in Euangelio præce- *Marc. 1. d.*  
pit Iesus, ne cui diceret: ille autem prædicauit  
vbique, intelligens Deum non ideo prohibuisse,  
qui vellat opus suum prædicari: sed ut daret for-  
mam homini laudem humanam declinandi.

*L*  
*De permissione & operatione vbi dicantur Dei voluntas.*

Permissio quoque Dei operatio voluntas Dei *Cap. 95. in  
appellantur, qualiter accipit Aug. in ench. dicens: fine.*  
Nō fit aliquid nisi omnipotens fieri velit: vel si- *Ibid. c. 96.*  
nendo ut fiat, vel ipse faciendo. Nec dubitandum *in princip.*  
est Deū facere bene, etiam sinendo fieri quæcun- *continuo.*  
que sunt male: non enim hęc nisi iusto iudicio Dei  
sinit, & perfecto bonū est omne q̄ iustū est. Ecce hic  
manifestē habem⁹ Dei voluntatē appellari ipsi⁹ o-  
perationē vel permissionē, cū dicitnō fieri aliquid

R. 4

nisi

niſi omnipotens fieri velit, vbi includit & bona & mala omnia quæ ſunt. Ideoque apertè diſtingui quomodo Deum velle dixerit, ne eadem ratione intelligeretur velle bona & mala, ſubdens, vel ſi nendo ut fiat, hoc quātū ad mala dicit: vel ipſe faciendo, hoc quantum ad bona. Mala enim ſinit fieri, ſed non facit: bona vero ipſe facit. Ideoque dixit eum velle: quia & nolens mala ſinit, & volenti bona operatur: & ob hoc permifſio & operatio voluntas Dei dicuntur.

Quinque ſupra ſunt proposita que dicuntur ſecundum tropum, & ideo diſtinguat Lector vbi que pro quo eorum accipiat voluntas.

Quinque ergo ſupra poſita ſunt, que dicuntur ſecundum tropum Dei voluntas: quia signa ſunt diuinæ voluntatis, quæ una eſt & immutabilis, sc. Dei beneplacitum. Ideoque diligenter diſtinguat Lector vbi de voluntate Dei ſcriptura cōmemorat, iuxta quem modum accipi oporteat, vtrum pro beneplacito Dei an pro aliquo ſignorum eius. Magna enim eſt adhibenda diſcretio in cognitione diuinæ voluntatis: quia & beneplacitum Dei eſt voluntas eius: & ſignum beneplaciti eius diſciptur voluntas eius. Sed beneplacitum eius aternum eſt, ſignum vero beneplaciti eius non, & conſonat rerum effectibus beneplacitum ipſius, & ipſi effectus rerum ab illo non discordant. Fit enim omne quod beneplacito vult fieri: & omne quod non vult fieri, nequaquam fit. Non ita autem eſt de signis: quia p̄cepit Deus multis ea quæ non faciunt, & prohibet quæ non faciunt, & prohibet quæ non cauent, & consulit quæ non implent.